

Na osnovu člana 23. i 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09 i 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/15 i 7/19), člana 1. i 2. Odluke o stipendiranju učenika i studenata u stanju socijalne potrebe ("Službene novine Kantona Sarajevo", broj: 33/09) i člana 3. Pravilnika o stipendiranju učenika i studenata u stanju socijalne potrebe - prečišćeni tekst ("Službene novine Kantona Sarajevo", broj: 2/16), na prijedlog Općinskog načelnika, Općinsko vijeće Ilijaš, na svojoj 34. sjednici, održanoj 30.09.2019.godine, donijelo je:

PLAN

stipendiranja učenika u srednjem i studenata u visokoškolskom obrazovanju u stanju socijalne potrebe u školskoj/akademskoj 2019/2020.godini

Član 1.

Godišnjim planom stipendiranja učenika i studenata planira se broj stipendija koje će se dodijeliti i ukupna budžetska sredstva potrebna za stipendiranje učenika u srednjem i studenata u visokoškolskom obrazovanju u stanju socijalne potrebe u školskoj/akademskoj 2019/2020. godini, i to:

a.) Srednje obrazovanje

R/B	Razred	Broj učenika	Pojedinačna stipendija za jedan mjesec KM	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	I	11	50,00	550,00	4.950,00
2.	II	11	50,00	550,00	4.950,00
3.	III	11	50,00	550,00	4.950,00
4.	IV	11	50,00	550,00	4.950,00
UKUPNO	-	44	-	2.200,00	19.800,00

b.) Visoko obrazovanje

R/B	Godina	Broj studenata	Pojedinačna stipendija za jedan mjesec KM	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	I	5	100,00	500,00	4.500,00
2.	II	5	100,00	500,00	4.500,00
3.	III	5	100,00	500,00	4.500,00
4.	IV	5	100,00	500,00	4.500,00
5.	V	2	100,00	200,00	1.800,00
UKUPNO	-	22	-	2.200,00	19.800,00

c.) UKUPNO

R/B	Korisnici	Broj stipendija koje se dodjeljuju	Iznos ukupno potrebnih sredstava za jedan mjesec	Iznos ukupno potrebnih sredstava za devet mjeseci
1.	UČENICI	44	2.200,00	19.800,00
2.	STUDENTI	22	2.200,00	19.800,00
	UKUPNO	66	4.400,00	39.600,00

Planirana sredstva za stipendiranje učenika i studenata u stanju socijalne potrebe za školsku/akademsku 2019/2020. godinu iznose: **39.600,00 KM.**

Član 2.

Ukoliko iz određenog razreda ili godine studija nema dovoljan broj kandidata koji ispunjavaju kriterije iz člana 1. i 2. Pravilnika o stipendiranju učenika i studenata u stanju socijalne potrebe, stipendija će se dodijeliti učeniku ili studentu koji ispunjava kriterije, pri čemu bi prednost imali učenici viših razreda ili studenti viših godina studija.

Član 3.

Gramatička terminologija korištena u ovom planu podrazumjeva uključivanje oba pola.

Član 4.

Ovaj Plan stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/19
Ilijaš, 30.09.2019.godine

**PREDSJEDAVAJUĆA
OPĆINSKOG VIJEĆA**

Alma Omerović

O b r a z l o ž e n j e:

I- Pravni osnov:

Pravni osnov za donošenje Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj/akademskoj 2019/2020.godini sadržan je u članu 23. Statuta općine Ilijaš, prečišćeni tekst («Službene novine Kantona Sarajevo», broj: 20/09 i 46/18) koji definiše da općina Ilijaš u okviru samoupravnog djelokruga, a u skladu sa zakonom kojim se uređuju pojedine oblasti obavlja naročito poslove osiguranja uslova za poštivanje i zaštitu ljudskih prava i osnovnih sloboda u skladu sa ustavom i osigurava lokalne potrebe stanovništva u oblasti brige o djeci, obrazovanju i odgoju, radu i zapošljavanju, socijalnoj zaštiti, kulturi, fizičkoj kulturi i sportu. Članom 55. Statuta općine Ilijaš propisane su nadležnosti Općinskog vijeća za donošenje akata i drugih propisa, njihovo autentično tumačenje i utvrđivanje prečišćenog teksta, a članom 99. Poslovnika Općinskog vijeća Ilijaš ("Službene novine Kantona Sarajevo", broj:2/10, 18/15 i 7/19) definisani su propisi koje donosi Općinsko vijeće.

Članom 1. Odluke o stipendiranju učenika i studenata u stanju socijalne potrebe ("Službene novine Kantona Sarajevo", broj: 33/09) utvrđuje se mogućnost stipendiranja učenika i studenata u stanju socijalne potrebe sa područja općine Ilijaš. Član 2. iste Odluke definiše da pravo na stipendiranje imaju redovni učenici srednjih škola i redovni studenti visokoškolskih ustanova, koji ne obnavljaju godinu, a imaju prebivalište na području općine Ilijaš.

Član 3. Pravilnika o stipendiranju učenika i studenata u stanju socijalne potrebe - prečišćeni tekst ("Službene novine Kantona Sarajevo", broj: 2/16) propisuje da Općinsko vijeće na prijedlog Općinskog načelnika donosi Plan stipendiranja učenika u srednjim školama i studenata u visokoškolskim ustanovama koji su u stanju socijalne potrebe, za svaku školsku godinu, a u skladu sa sredstvima obezbjeđenim u Budžetu općine Ilijaš.

II- Razlozi za donošenje Plana:

Programom rada Općinskog vijeća Ilijaš za 2019. godinu u mjesecu septembru planirano je donošenje Plana stipendiranja učenika u srednjem i studenata u visokoškolskom obrazovanju u stanju socijalne potrebe u školskoj/akademskoj 2019/2020.godini kako bi na vrijeme mogli objaviti Konkurs za stipendiranje učenika i studenata.

III- Obrazloženje pravnih rješenja sadržanih u Planu:

Članom 1. planira se broj stipendija koje će se dodijeliti i ukupna budžetska sredstva potrebna za stipendiranje učenika u srednjem i studenata u visokoškolskom obrazovanju u stanju socijalne potrebe u školskoj /akademskoj 2019/2020. godini

Članom 2. ostavlja se mogućnost da ukoliko iz određenog razreda ili godine studija nema dovoljan broj kandidata koji ispunjavaju kriterije iz člana 1. i 2. Pravilnika o stipendiranju učenika i studenata u stanju socijalne potrebe, stipendija se može dodijeliti učeniku ili studentu koji ispunjava kriterije, pri čemu bi prednost imali učenici viših razreda ili studenti viših godina studija.

Član 3. sadrži odredbu o ravnopravnosti polova na način da korištena gramatička terminologija podrazumjeva uključivanje oba pola.

Članom 4. utvrđuje se stupanje na snagu Plana.

IV- Finansijska sredstva za provođenje Plana:

Finansijska sredstva za provođenje Plana obezbijedit će se u Budžetu Općine Ilijaš za 2020. godinu.

Predlagač Plana je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10, 18/15 i 7/19/.

Obrađivač Plana je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Plan stipendiranja učenika u srednjem i studenata u visokoškolskom obrazovanju u stanju socijalne potrebe u školskoj/akademskoj 2019/2020.godini donese u dostavljenom tekstu.

Služba za društvene djelatnosti i poslove mjesnih zajednica